

地 310.19  
01  
13

313.25  
49.1



永泰縣志 卷之肆



戶口志



民數之籍天府是藏康樂之書行人是將二男五女揚州職方生  
滅滅胡蕃胡昌罷敝凋瘵逃亡莫保或增戶額冀蒙上考三五之朝  
熙熙皞皞孰任司牧痾瘵在抱纂戶口志第八

宋五代以前戶口不可考宋之人戶有客有主合之得二萬一千三百有奇可謂極盛

舊志客戶九千五百八十戶主戶一萬一千七百八十六戶

元定人戶為十等分南人北人

舊志南人一萬一千六百七十戶北人二千一戶

明

舊志人戶二千二百四十三戶內

永泰縣志卷四戶口志

男子二千三百二十四丁 婦女一千二百八十口

清

舊志併入賦役內無從分別確查道光通志載道光九年分保甲  
門牌核實土著流寓民戶屯戶共五萬四千三百八十三戶男婦  
大小戶口總共二十五萬六千二百八十一名口內土著民戶成  
丁男婦共一十四萬一千三百三十名口幼丁男女共六萬一千  
九百八十八名口流寓民戶成丁男婦共三千六百七十四名口  
幼丁男女共四千八百一十名口土著屯戶成丁男婦共二萬八  
千八百四十九名口幼丁男女共一萬五千六百三十名口宣統  
二年詳報城廂五百七十八戶男婦大小四千五百二十五名口



市鎮六計三千三百九十戶男婦大小一萬一千三百五十名口  
鄉村三百五十九鄉計二萬五千六百七十戶男婦大小二十五  
萬八千六百五十七名口統計共二萬九千六百三十八戶大小  
男婦共二十七萬四千五百三十二名口

民國

四年各區實行保衛團按戶調查計縣區四千零六十二戶男子  
一萬三千四百六十五丁婦女一萬零九百一十六口中區四千  
四百四十六戶男子一萬四千二百四十丁婦女九千一百八十  
三口東區六千零八十三戶男子一萬二千八百二十一丁婦女  
一萬一千一百四十二口西區八千八百三十六戶男子一萬六

永泰縣志

卷四

戶口志

二

千三百四十六丁婦女一萬零六百四十一口南區六千九百三  
十一戶男子二萬二千二百一十一丁婦女一萬三千九百六十  
二口北區七千八百四十八戶男子二萬一千九百八十七丁婦  
女一萬六千七百四十七口統計全永六區三萬八千二百零六  
戶大小男子一十萬零一千零七十丁婦女七萬二千五百九十  
一口



論曰一身者衆體之積也一家者衆人之積也一邑者百千萬億民庶之積也積水成河積土成山積木成林積民成邑戶口之籍於是乎一小成古先哲王之治天下必先知戶口之實數以時其消息而劑其盈虛負版之式此物此志耳三代而後愛養斯民之政蕩然無存所云漢唐元明之極盛不過六千萬數均未必確論清初定鼎意主恤民併丁於地司農版籍尤多就湮無地之民爲數唯倍大都惰民也游民也卽皆棄民也國家不復科徵官吏無從查覈一聽其自生自滅自去自來烏有過而問者或死於疾疫轉於溝渠鬻於僧尼流於盜賊迨至積重難返刑戮滋多桀黠者乘之淵藪逋逃不可究詰而斬木揭竿之事起矣然後大張撻伐

草薙而禽獮之雖不旋踵已報蕩平而伏屍百萬流血千里皆林林總總無籍可稽之窮民也天道好生忍乎不忍乃肅清未久而斯民之熙來攘往又復盈千累萬更僕難稽比數十年生齒愈蕃生機愈蹙其患有不堪設想者卽幸而彌縫無事他日敵國伺釁糜百萬金錢僱募而教練之授之利兵置之前敵所向尙有堅城哉抑又聞之南方謂物之穉者曰仔同治初年英荷諸國開闢荒島乏人墾治以重賞誘往作工遂有販賣猪仔之事入莛又招若羣豕然前年中國駐坡領事官設法議禁英員不允後經移請惠潮嘉道出示查禁乃示懸旬日卒爲駐粵英領事斷斷於大府檄令收回吾永年來赴星加坡者不下數千人獲歸者十不得一焉



道赴坡事輒爲酸鼻亦關於戶口之大者則編審之法不可不講也近世戶口之查權衡參酌明定章程頗爲徵實竊謂宜畧仿西法有業者所操何業能否自贍身家無業者年歲若干家口若干作何生理有何技藝就其所素習與以所易能生之者衆食之者寡爲之者疾用之者舒所以無人滿之憂也斯周官王制之精已



賦稅志

作貢任土稽古大禹殷宅九有賦入以助徹田為糧時維周武利藏諸民財餘於府在清之初地以附丁鑒明之弊不征畸零則壤成賦國有常經去其苛細民心斯寧纂賦稅志第九

（舊志）宋初行願役諸法自衙錢法興應役者輒至破產民不堪命元則視丁力為輸辦明則里甲之役每一里分為十甲里有長以統十甲首逸其九年勞其一年十年而周謂之見役里長率諸甲首以供應鹽鈔丁米料綱徭機站諸役鹽鈔者初以官鹽抑配民戶而徵其鈔久之鹽不給而徵鈔如故里甲綱料者亦上供之數凡額辦雜辦又有雜泛名目皆責之現年里甲綱之徵非有定額凡官力大小公務諸費及正雜諸綱一切取辦其費不貲徭之徵有舖兵館夫之屬所費溢於額外者數倍至於庫子則長官視為家幹公私諸費悉取給焉民不幸一當斯役未有破其家者機械並顧直銀每名徵銀一十兩八錢機兵八十一名後徵其鞍馬器

永泰縣志

卷四

賦稅志

七十一兩二錢站者所以供使客驛站委積迎送之資邑無驛而助役於他邑之驛每夫一名編銀一兩納銀六兩條目煩瑣愚民茫然莫悉既輸此又責其負彼里長愚則受欺於胥里長點則與胥共欺其甲首誅求無藝不盡其膚骨不止萬歷六年巡撫龐尙鵬行一條鞭之法總計邑綱徭機站之數歲費幾何丁於一里所當鈔料之數又總計通邑綱徭機站之數歲費幾何丁於一里所當官以其所輸者為之僱役每米一石合諸色共徵銀一兩三錢有奇每一丁合諸色共徵銀二錢六分有奇民但知其銀一兩三錢幾何不知其賦某役也先時縣令以初釋褐而臨愚民上不知所問其為某賦某役也先時縣令以初釋褐而臨愚民上不知所問不知所對如以替遇著安得不任之簡明全書戶口之法行而民始知有生之樂清康熙五年刊行賦役簡明全書戶口之法行而民始額收除實在實徵五年一次編審十七年又於各衛屯丁編審將增烟戶丁糧雍正二年特旨以盛世滋生戶口繁多編審時祇將生齒實數造冊進呈不加賦見又永邑開山為田農勤則增惰則減佃人於附田之山鋤危劇險惟力所及任其播種官則按籍徵賦主則計畝收租若履畝而科佃賦則棄而遁去復為榛菅故買產之家惟識佃戶不知有田田在深谷高巖未易躡屐至也



宋太平興國中遣使均福建田稅歲蠲偽閩錢五千三百二十貫  
米七萬一千七百餘石以土田高下定出產錢徵輸兩稅曰夏稅  
產錢而以  
產錢為宗

田二千八百二十八頃三千宜作五畝二十六步

民田二千三百八十九頃七十八畝四十八步

寺觀田四百八十頃五十六畝三角四十六步

園地六千六百九十三頃五十四步步字當為二角一十九步

民園地四千七百九頃七十七畝四十九步

寺觀園地一千九百八十三頃七十七畝一角三十步

載苗米六千九百四十九石三斗二升

徵夏稅產錢四百四十貫七十五文

永泰縣志 卷四 賦稅志 六

元田賦之  
詳無攷

官田二頃一十畝五分一十六步

民田一千五百九十二頃一十畝三分三厘三毫

山園五頃九十一畝五分

徵稅糧五千一百六十四石三斗三升三合

徵稅錢二百三十七錠四十九兩九錢五分

明洪武初田產分官民二等徵兩稅曰夏稅曰秋糧夏稅徵鈔後皆  
徵銀解京秋糧徵米官田米半徵本色存留貯倉以充兵糧半徵  
折色解京民田米以七分徵本色存倉三分徵折色解京所謂金  
花銀是也正德中命官米俱折色解京民米半本色存倉半折色  
又分其半解京以其半湊給兵銀凡官民  
米皆有加耗其後耗米亦作正項支銷

官民田園山塘地共二千六十四頃六十七畝一分



夏稅錢八十一萬四千二百九十二文秋糧米一萬一千六百一十四石四斗九升四合

秋稅錢二千四百一十二文

秋租錢九千五百七十文

清定鼎之初凡官民田園山塘地等徵銀并本色米附徵雜項租稅俱起運戶禮工三部康熙五年定制除存留本縣充支給各項若干餘皆起運本省布政司彙解戶部禁州縣徵收錢糧不許重耗雍正七年奉文徵糧每兩加一錢耗羨搭解為各官養廉上自督撫下至佐雜皆以次分給有差

原額官民田園山塘地共八百八十九頃二十八畝三分八厘一毫七忽

共徵銀六千八百六十九兩四錢八分五厘二毫八絲五忽七

永泰縣志

卷四

賦稅志

織內

七斗則田三十畝七分

每畝徵銀一錢七分四厘八毫五絲三忽八微六纖九沙一塵一埃

共徵銀五兩三錢六分八厘一絲三忽七微八纖四沙

五斗則田三十四畝一分九厘

每畝徵銀三錢九毫二絲三忽三微八纖二沙七塵七埃三秒按三錢三

字誤當是一錢

共徵銀六兩八錢六分九厘五毫七絲四微五纖七沙

三斗第一則田園一頃五十七畝八分七厘

每畝徵銀一錢七厘二毫八絲二忽四微七纖

三沙七塵五埃一秒

共徵銀一十六兩九錢三分六釐八絲四忽一微三纖一沙

三斗第二則田二十四畝二分

每畝徵銀三分四厘三毫九忽七微六纖六塵二埃按此條亦有誤每畝



應一錢零  
零四毫

共徵銀二兩四分二釐九絲六忽二微七沙

三斗第三則田二十九畝三分每畝徵銀八分二毫九絲五忽一沙九塵一埃一秒

共徵銀二兩三錢五分二釐六毫四絲三忽五微五纖五沙九

塵

三斗第四則田五十九畝五分每畝徵銀七分一厘六毫九絲一忽九微六纖六沙

共徵銀四兩二錢六分二釐六毫七絲一忽九微七纖七沙

三斗第五則田七十六畝每畝徵銀六分八厘八毫一絲五忽五微三纖七沙七塵六埃三秒

共徵銀五兩二錢二分九釐九毫八絲八微六纖九沙

三斗第六則田一頃九畝九分一釐每畝徵銀四分三厘九毫二絲八忽五微一纖二塵二埃七秒

永泰縣志

卷四

賦稅志

八

共徵銀四兩八錢二分八釐一毫八絲二忽五微五纖九沙

三斗第七則田四頃一十三畝六分四釐每畝徵銀四分一毫七絲九忽四微四纖三沙三埃

共徵銀一十六兩六錢一分九釐八毫二絲四忽八微一纖五

沙

民田園七百七十六頃四十畝八分五釐一毫七忽內

徵料折增田五十六頃八十七畝二分七釐六毫六微四纖每畝徵銀

五分一厘八毫四絲二微二纖六沙九秒九漠

共徵銀二百九十四兩八錢一分九釐六毫七絲三忽五微五

纖二沙四塵六漠

徵料折差增田七百一十九頃五十三畝五分七釐七毫四絲三



忽每畝徵銀九分一毫二絲  
八沙七塵九埃九秒九漠

已上共徵銀六千四百八十四兩四錢五分七釐三絲一忽七纖六

沙

徵料折增鈔山塘地田七十六頃七十二畝六釐五毫每畝科鈔三文

共計鈔二萬三千一十六文一分九釐五毫

徵料差增鈔山塘地二十五畝六分八釐每畝科鈔一百六十文

共計鈔四千一百八十八文八分

共計徵鈔二萬九千七百七十九文每百文折米三升二勺

共折米八石九斗九升五合六勺六抄七撮每石米派銀九錢六分九厘二毫二

絲三微三纖

永泰縣志 卷四 賦稅志 九

共徵銀八兩七錢一分九厘一毫一絲三忽一微二纖四沙五

塵

原報陸科田徵銀一十六兩九錢八分六厘八絲四忽六微

以上官民田園山塘地共派銀六千八百六十九兩四錢八分五

厘二毫八絲五忽七纖

造除

康熙元年原報荒蕪田地一十二頃二十四畝七分二厘九毫四絲

內

徵料折增田二頃六十畝三分二厘五毫八絲六忽每畝無征銀五分一厘八

毫四絲二微二纖六沙九秒九漠



共無徵銀一十三兩四錢九分五厘八毫五絲

徵料折差增田九頃六十二畝三分九厘三毫五絲四忽每畝無徵銀九

分一毫二絲八沙七分九厘九毫九沙九毫

共無徵銀八十六兩七錢三分九釐三絲二忽九微五纖一沙

已上共荒蕪田地無徵銀一百兩二錢二分六厘七毫八絲二忽

九微五纖一沙

墾復

康熙二年墾復應於五年起科田二頃四十五畝五分五毫五絲內

徵料折增田五十二畝三分七厘六毫四絲每畝徵銀五分一厘八毫四絲二微二纖

六沙九毫九沙九毫

永泰縣志

卷四

賦稅志

十

共徵銀二十兩一錢二分八微六纖八沙

康熙八年墾復應於十一年起科田二頃四十五畝五分五毫五絲

內

徵料折增田五十二畝三分七厘六毫四絲

共徵銀二十兩一錢二分八微六纖八沙

康熙十七年清出墾復田三頃一十八畝二分三厘四毫內

徵料折增田一十畝一分六厘八毫

徵料折差增田三頃八畝六厘六毫

共徵銀二十八兩二錢九分二絲五微一纖八沙八塵七埃六

秒



以上墾復田畝共徵銀六十八兩五錢三分二絲二忽二微五纖四沙八塵七埃六秒

以上實在官民田園山塘地共八百八十五頃一十四畝八分九厘六毫六絲七忽共征銀六千八百三十七兩七錢八分八釐五毫二絲四忽八纖四沙八塵七埃六秒

附徵屯田

延平衛原額屯田一百九十五頃八十九畝四分七釐五毫六絲

每斗科米二斗一升六合三抄六撮八圭五粒每斗斗字當為畝字之誤

共折色米四千二百三十二石四升七合八勺

每石米折銀二錢五分五釐四毫二絲七忽九微四沙

永泰縣志

卷四

賦稅志

十一

共徵銀一千八十兩九錢八分三釐一毫

造除

康熙元年原報荒蕪屯田八十七頃二十五畝九分五釐七毫二絲共無徵銀四百八十一兩五錢一分四釐二毫八絲四忽六纖二沙六塵三埃八秒一漠

墾復

康熙二年墾復應於五年起科屯田一十七頃四十五畝一分九釐共徵銀九十六兩三錢二釐七毫七絲六忽二微四纖七沙三塵五埃二秒

康熙八年墾復應於十一年起科屯田一十四頃一十六畝一分五



釐七毫三絲

共徵銀七十八兩一錢四分六厘七毫一絲八微六纖八塵八埃一秒五漠

康熙十七年清出墾復田三十頃六十三畝二分二釐四毫四絲

共徵銀一百六十九兩三分四釐三毫二絲五忽一微九纖五沙七塵二埃七秒五漠

實在屯田地一百七十頃八十八畝一分一絲五忽共徵銀一百四十五兩四錢三分八釐五毫二絲五忽七纖

乾隆元年奉文廳徵延平衛屯折錢糧歸縣徵收銀六十七兩四錢一分五釐四毫三絲一忽六微六沙

永泰縣志

卷四

賦稅志

十二

福左衛原額屯田一百九頃一十七畝七釐六毫內

折增舊額田七十四頃三十八畝三分二釐七毫四忽每畝科米二斗八合

四勺六抄九撮八圭

折色額舊米一千五百五十石六斗六升六合六勺每石米科銀二錢八分三厘一毫八絲一忽

二微九纖八沙

共徵銀四百三十七兩五錢六分九釐一毫一絲四忽

折色新增田三十四頃七十八畝七分四釐八毫九絲六忽每畝科米

二斗八合四勺六抄九撮八圭

折色新增米七百二十五石二斗一升四合一勺每石米科銀二錢五分九厘五毫八絲七忽

三纖一漠



共徵銀一百八十兩二錢五分六釐一毫七絲五忽

以上共徵銀六百二十五兩八錢二分五釐二毫八絲九忽

造除

康熙元年原報荒蕪屯田一十九頃四畝五分一厘內

折色舊額田一十二頃九十四畝二毫五絲二忽

折色新增田一十畝四分六厘七毫四絲八忽

共無徵銀七十六兩六錢九分一毫六絲四忽七微四纖四沙

三塵八埃六漠

康熙七年清出墾復屯田八頃四十一畝四分

共徵銀四十九兩四錢九分六厘四毫二

絲九微四纖六沙八塵一埃三秒一漠

永泰縣志

卷四

賦稅志

十二

實在屯田一百四頃五十三畝九分六厘六毫共徵銀五百九十八

兩六錢三分一厘五毫五絲五忽二微二沙四塵三埃二秒六漠

乾隆元年奉文聽徵福左衛屯折錢糧歸縣徵收銀一千七百七十

九兩八錢二分一毫七絲一忽九微五纖五沙三塵八埃四秒四漠

康熙三十三年被水災衝沙堆民屯田應請蠲奉文免徵銀四十七

兩二錢八分二厘七毫九絲三忽七微八纖八沙九塵七埃四秒

續墾

康熙五十一年墾復應於五十五年起科屯田銀九錢七分七厘八

毫六絲六忽五纖三沙一塵四埃八秒五漠

康熙五十三年墾復應於五十七年起科屯糧銀一兩七錢六分四



釐八毫

康熙五十四年清出王祖武溢出額糧銀一兩三錢四分八毫三絲三忽三微一纖二沙五塵五埃

康熙五十四年墾復應於五十九年起科屯糧銀七錢一厘七毫

康熙五十五年墾復應於六十一年起科民田銀四錢四釐三毫五絲三忽七微六纖二沙八塵七埃五秒七漠

康熙五十九年屯戶自首墾復二衛原荒屯田應於五十九年起科銀一十二兩三分一厘四毫五絲一忽九微九纖八沙五塵八埃二秒三漠

又報墾原荒民田應於雍正四年起科銀一兩三錢九分三厘八毫

永泰縣志

卷四

賦稅志

十四

一絲二忽二微八纖四沙七塵

又報墾額外溢出新墾民園應於雍正四年起科銀二錢二分五釐

又里民自首溢額 田應於雍正七年起科銀一兩六錢三分一釐

二毫三忽八微三纖八沙七塵八埃六秒一漠

雍正六年墾復民田應於雍正十年起科銀九分一毫二絲八沙七塵九埃九秒五漠

又報墾額外溢出官田應於十一年起科銀一錢一釐一毫七絲一忽七微一纖五沙七塵四埃四秒

雍正九年報墾水衝沙堆民田應於乾隆元年起科銀六錢三分八厘六毫八絲五微二沙三塵六埃二秒一漠



雍正十年里民首墾額外溢出官田應於乾隆二年起科銀二錢四分八毫五絲四忽三微八纖二沙一塵七埃五漠

又屯戶報墾原荒屯田應於乾隆二年起科銀四兩三錢九厘五毫六絲一忽八微七纖一塵六埃六秒四漠

又報墾屯田應於乾隆二年起科屯折銀三十五兩六錢五分四釐一毫九絲八忽九微三纖三沙九塵五埃七秒

雍正十一年報墾原荒屯田應於乾隆三年起科銀一十一兩五錢一分一厘一毫九絲八忽三微五纖五沙一塵三埃七秒三漠

雍正十二年報墾原荒屯田應於乾隆四年起科銀九兩七分五厘八毫三忽四微四纖四沙二塵一埃三秒七漠

永泰縣志

卷四

賦稅志

十五

雍正十三年墾復田應於乾隆五年起科銀二兩五錢三分六厘二毫三絲二忽九微三纖二沙五塵九秒六漠

又屯戶報墾屯田應於乾隆六年起科屯折銀九錢八分二釐二毫八絲二忽五微四沙一塵九埃六漠

又屯戶報墾屯田應於乾隆九年起科銀三兩九錢三分四釐四毫二絲四忽五微六纖二沙七塵七埃八秒三漠

又屯戶報墾屯田應於乾隆九年起科銀七兩八錢四分九厘七毫二絲一忽四微四纖六沙九塵五埃九秒

雜稅

寺租銀九十六兩九錢四分一釐



山稅銀一十五兩三錢六分五釐

酒稅銀七兩四錢二分

渡稅 確稅及 紙贖新墾溢剩等銀共二百七兩九錢九分八釐

四毫一絲六忽一纖

匠班雍正十三年奉文勻入田糧內征解銀一兩正

鹽課

永邑每年額載銷鹽三千四百担每担應徵鹽課銀一錢五分 共應徵鹽課銀五

百一十兩係水客張泰來親赴鹽道衙門投納

通共實徵銀一萬一千七百二十八兩九錢二分二釐八毫三絲四

忽三纖一沙六塵四埃五秒三漠內除

存留支給各項銀一千五百八十二兩一錢三分八釐二毫八絲

七忽一微七纖五沙五埃七秒五漠

又除辦解各色水脚銀五十三兩九錢九分九釐四毫二絲九忽

二微一纖五沙六塵四埃一秒九漠

實起運解司銀一萬七十二兩八錢四分一厘四毫三絲五忽二微

八纖一秒六漠以上均照舊志錄入

按唐楊炎作兩稅法五代因之偽閩時則倣兩稅而加重焉宋太平興國中遣官王永高象先均田稅蠲宿逋度田土高下以出產錢有公田之賦有民田之賦有雜變之賦又有支移折變名色又有夏秋二稅夏稅有折變布稅小麥稈草三項秋稅米有糙白二



米有折變黑豆一項建隆中詔以田土高下第爲五等山田又分三等然荒墾互易僞匿依寄蠹弊叢生終宋之世田土高下變眩莫據元元貞間定夏秋二稅法秋輸糧夏稅折收木棉布絹之屬既又折收鈔每夏稅糧一石折收鈔一貫五百文明洪武初令天下田地山林塘蕩等悉書其名數於籍田二等曰官曰民若職田若學田若廢寺若沒官若官租皆係之官職田者唐制職官所分之田也學田者府縣以贍學校之田也廢寺田者寺廢而入官者也沒官田者籍沒之家入官者也有原沒今沒之別官租田者籍沒之田而募人耕種者也民田則係自占得買賣之田也租三等曰秋糧米曰夏稅鈔民田曰秋租鈔官田其秋糧有本色有折色

俱稱米洪武初年官米輕重不同重者至一石輕者或至一斗宣德二年乃下減分之令凡官米徵一斗至四斗者減十分之二四斗一升至一石以上者減十分之三遂爲定制官米本折中半折色米徵銀解京本色米存留各倉舊以十分爲率七分徵本色入倉三分徵折色解京正德十四年御史沈灼奏官米俱折色解京民米俱存留各倉官米分四等徵納三斗以下每石折銀三錢六分三斗以上每石折銀三錢三分五斗則米每石折銀三錢七斗則米每石折銀二錢五分其民米并秋租鈔米半納本色半納折價每石折銀三錢新增起科米并浮糧米俱全徵折價每石二錢五分相兼分撥各倉凡官民米皆有加耗每官米一斗加耗三合



五勺民米一斗加耗七合其耗米准備倉廩虧損繼復鉅入正額支銷其後坐派各倉民米每正耗米一石又增耗米五升亦作正額支銷田糧率多詭寄之弊洪武二十年命國子生武淳等分行州縣隨糧定區區糧長設四人量度田畝方圓次以字號悉書主名及田之丈尺編類爲冊狀如魚鱗號曰魚鱗圖冊以土田爲主諸原坂墳衍下隰沃瘠沙鹵之別畢具魚鱗冊爲經土田之訟質焉黃冊爲緯賦役之法定焉迨後田土日久頗淆亂與黃冊不符民多欺隱嘉靖八年諭德顧鼎臣首創丈量之議不果行萬曆六年大學士張居正秉均通飭丈量限三年竣事用開方法以徑圍乘除畸零截補於是田無欺隱糧無賠累但嘉靖以來加派日繁

隆萬未改民多逋欠萬曆七年都御史龐尙鵬始力行一條鞭法通府州縣十歲中之賦役量地計丁糧畢輸於官一歲之役官爲僉募力差則計其工食之費量爲增減銀差則計其交納之費加以增耗凡額辦派辦京庫歲需與存留供億諸費及土貢方物悉併爲一條皆計畝徵銀折辦於官故謂之一條鞭清革除明末加派條鞭銀兩照萬曆之額徵輸分欸解支民頗不擾康熙五十六年詔令嗣後編審增益人丁只將滋生實數奏開其徵收辦糧但據五十年丁冊定爲常額永不加賦雍正十三年勅下各省停止丈量飭禁抑勒首報可墾荒地令勸民陸續耕種陞科乾隆元年特允巡撫盧焯所請寺田免其六分充公乾隆三十一年并編審



之法亦永行停止祇照常額征收至今因之

宣統二年詳報

地丁

正項併驛站九千三百二十八兩三錢一分五厘

耗羨一千一百一十九兩三錢九分八釐

平餘四千零四十八兩四錢八分八釐

水火耗及解費八百八十六兩八錢六分一釐

共徵銀一萬五千三百八十三兩零六分二釐

雜稅

契稅三百五十六兩三錢二分

永泰縣志

卷四

賦稅志

十九

牙稅三十二兩五錢

當稅五十兩

鐵稅二兩

以上四項計收銀四百四十四兩八錢二分

雜租

地租六兩六錢

儒學官租一十五兩一錢五分

學租一十九兩零一分

義學租六十五兩四錢五分

官寺租一百九十二兩



以上五項共銀二百九十八兩二錢一分

就地抽捐

賈捐二千八百三十七兩四錢七分五釐

舖捐三百零一兩三錢六分九釐

酒捐九百五十六兩二錢

膏捐一百八十一兩六錢七分八厘

隨糧捐二千五百四十八兩四錢九分六釐

鐵路捐一千二百七十四兩二錢四分八釐

巡警捐五百一十八兩一錢六分五厘

契尾捐一百一十六兩八錢

永泰縣志

卷四

賦稅志

二十

以上八項共銀八千七百三十四兩四錢三分一厘

民國五年詳報間參六年分歲入

查永邑有民田賦屯田賦寺田賦學田賦之別其民田賦之科則有七斗五斗三斗之分七斗則每畝徵銀一錢七分四厘八毫五斗則每畝徵銀一錢九毫三斗之中又分七則第一則每畝徵銀一錢七釐二毫第二則每畝徵銀一錢四毫第三則每畝徵銀八分二毫第四則每畝徵銀七分一厘六毫第五則每畝徵銀六分八釐八毫第六則每畝徵銀四分三厘九毫第七則每畝徵銀四分一毫此民田最高之賦與最低之賦相差之點也屯田上則四千一百六畝每畝徵銀一錢二分中則六千八百七十五畝每畝



徵銀八分下則九千一百六十六畝每畝徵銀六分此屯田最高之賦與最低之賦相差之點也綜計地丁每年額征銀一萬一千七百五十九兩六錢三分六釐內存留坐支銀一千六百三十九兩一錢一分六厘起運銀實一萬零一百二十兩零五錢七分每年約征新糧九千兩左右學租一項計田二十畝年額租銀三十兩一錢二分七厘每兩折錢一千文除逃亡暨田被水漂流外祇能征銀三十兩寺租一項計田四百畝年額穀四百六十石二斗八升每石折錢八百文每年約收錢三百千文不能足額每畝賦率一錢一分地租計官荒地八十畝年額租銀八兩七錢四分八釐每兩折台伏一元四角計台伏一十二元二角四尖七辨二

絲每畝賦率約一錢一分此外地丁附加稅年約一千八百元契稅年額約六百兩左右驗契附加稅約一百餘元菸酒稅年額一萬二千元菸酒牌照稅四百元屠宰稅年額約二千二百元印花稅三千元賈捐約三千九百元舖捐四百四十元當商一百四十元鐵稅二兩牙稅三十二兩（此項於民國四年停止）鍋爐稅五十兩（申台伏七十元五角）牛牙稅五十兩以上各項賦稅則現屆實在之情形也



論曰白圭議二十取一孟子以爲不可曰欲輕之於堯舜之道者大貉小貉欲重之於堯舜之道者大桀小桀無他什一而稅千古不易之極則也前清田賦綜饒瘠之地計之不過四十取一而復議減議蠲議賑史不絕書二百數十年來吾民宜有起色矣而凋敝如故粵孽構難一時名臣謀士創爲權貨抽釐之法誠以有寇不能不募兵有兵不能不籌餉自然之勢也明之中葉軍餉皆出於加賦一絲一粟必取之力田之農農之謀食也艱稍奪其事畜之資卽已流亡失業所以流寇愈熾馴至事不可爲似乎釐金悉取諸商商有餘資以營貿易取之不爲過當矣然所抽之釐仍加諸售貨之價則於商無所損而利實取之衆人較之什一而稅有

過之無不及者又况漁之侵之蝕之耗之瓜分之龍斷之民以什出上以一入半乾沒半虛糜朝廷千百計之亭毒不足敵墨吏猾胥蠹役千百輩之腴削百姓只此脂膏而磨牙擦爪者有加無已國家事事病民民尪羸甚矣既以千鈞壓其首復以百鈞任其背尙安得掉臂以游布武而趨乎其黠者狡然謀公門措足地愚者則盜耳賊耳浸淫至於不可收拾而厠身公門者且裸身來飽囊橐挈妻子以去譬之養生以有盡之精華恣無窮之潰決是不愈之痔漏也譬之注水以濫觴之泉流任尾閭之旁洩是難填之谿壑也俾有數利權旁落焉橫溢焉而州縣利而委員利而奔走於委員州縣者爲虎倂爲雉媒均無一不利大吏以此利賂之京員



以此利餌之誰歟爲吾民發其覆者寅糧而殍完之曰抗欠倍貨而半報之曰漏匿夫欠賦也匿稅也民詎得無罪而於民一曰民情刁悍再曰盡法懲創於吏曰亦有不合曰情有可原吏何其幸而民何其不幸歟噫際此賦輕稅重洋稅輕而土稅重之秋雖以商鞅之畧孔僅之才弘羊之心計劉晏之廉平固未必改絃而張之有中聲也未必換局而奕之操勝着也永民素懦鬱氣滿腔非得催科政拙者維持之調護之如餓莩載道何易象至蠱敗壞極矣物不可以終蠱窮變通久此其時哉此其時哉



物產志

禹貢一書食貨權輿地官所載嘉穀首居草木鳥獸旁及蟲魚無曰  
奧區物產所儲或志職方或箋爾雅溢谷充林被皋布野雜俎談膾  
驚慄聾啞無徵不信夫奚取者纂物產志第十

穀之屬

稻種類甚繁一名小早赤白二種春分下種小暑收成前後計九  
十日一名大早赤白二種百二十日熟一名占城稻赤無芒粒  
小處暑前後收(湘山野錄云宋真宗以福建田多高仰聞占城稻  
耐旱遣使求其種得十石以遺其民使蒔之)一名烏蹄早白無芒  
一名赤早色赤而米白一名黃早白無芒一名八月早俗呼娘  
子一名芒粒大一名芒俱白露節收一名黃香米白微芒一名冬瓜白米  
白有芒黃粒一名鋪地錦白無芒一名銀珠白微芒一名白翎來粳  
米白芒黃粒一名鋪地錦白無芒一名小黃穀俱米白無芒一名白翎來粳  
如粳米白微芒一名硬稿色白微芒一名銀珠白微芒一名白翎來粳  
桃顆白粒圓無芒一名稻稜較他稜熟尤早以上俱九月收一名楊

永泰縣志

卷四

物產志

白皮赤有芒一名稻梗黑無芒一名黃杞稜皮黃粒大米白一名  
黃鐵錘白有芒一名矮江皮黃芒紅米白俱十月收又有六月  
與俗謂之旱稜大山無水者可種亦極少永日早春種夏收以下  
秧計至收成僅六十日此兩種所產極少永日早春種夏收以下  
冬末春初火其田始獲兩稜山高土燥時雨乃有秋  
黍一名蘆黍似蘆高丈餘穗黑色實黃重土宜一名玉燭黍粒  
大如綠豆一名狗尾黍莖葉類麥粒同芥子一名玉燭黍粒大如  
腰豆俗呼豹  
麥一名小麥冬種來歲四月收一名大麥(廣雅)所云大麥也一名蕎  
麥稈紅花白實三稜而黑白露後種十一月收所產無多非土宜  
也故  
豆一名綠豆夏初種六月收宜砂土一名蔓豆冬種春夏種秋收一  
名綠心豆皮黑心綠一名蔓豆夏種九月收一名御豆二  
刀種即刀鞘豆一名菜豆似豇豆而莢長三月種夏收二  
月種胡麻一作脂麻(本草)麻久服可延年益壽又名  
芝麻即勝子(廣雅)巨勝膏可壓油有黑白二種黑者良



番薯 狀類地瓜故或呼地瓜明萬歷間閩人得之外國根如山菴味甘有黃紅白三種生食熟食或晒乾或磨粉皆宜鄉民資為糧食西人所謂馬鈴薯者即此類也

蔬之屬

菘 俗呼白菜與燕菁相似梗長而葉無澤者為燕菁梗短而葉肥厚者為菘南史周顥傳秋末晚菘陶穀清異錄江右多菘鬻筍者惡之罵曰筍奴妾本出山東今永邑所在多有產湖東者尤美

芥菜 味辛辣其品不一本草芥似菘而有毛有青芥紫芥花芥南芥白芥

芥藍 色如藍而厚尤深碧福建通志菜之美者

洋芥藍 葉與芥藍相類不可食

油菜 葉如白菜青色根微紫子可榨油一云即芸薹也廖文英正字通京口之菘曰箭竿白又有四月梵即油菜

菜菔 即蘿蔔又一種葉如茴香根黃色味甘而香曰胡蘿蔔

永泰縣志

卷四

物產志

二十五

甕菜 蔓生花白莖中虛摘其苗以土壅之輒活故名甕菜能解野葛毒 覽此菜本生東夷古倫國番舶以甕盛之故名甕菜

菠薐 又作波稜劉禹錫嘉話錄本出西域頗稜國有携其子來誤頗為波中記葉如波紋有稜本草一名波斯菜一名赤根菜

蒼蓬 俗名春不老 又呼猪菜

蒿苳 遜齋間覽蒿苳出萬國有毒百蟲不敢近今土人呼為萬筍

蔓菁 即燕菁一名諸葛菜相傳諸葛孔明屯祁山時令軍士種之又一種名雪裏紅葉相類

苦蕒 吳人呼苦苳詩所謂薄言采芑者是也本草為蛇蟲所傷者傅立解

莧菜 有白莧紫莧花莧人莧即野莧也又有南京莧即赤莧極補血馬莧即馬齒莧

胡葵 湘山集胡葵即園葵也一作香葵幼幼新書葵乃鵝不食草

葵菜 一名蕪菜又名拐杖菜 格物論小者名鴨脚葵



茄(本草)一名落蘇(五代貽子錄)作酪酥蓋以其味如酥酪也

艾菜(本草)葉如艾而厚八九月種花黃似菊

芹菜(本草)名野苧香以其氣味子形微似也

竹筍(多)種一名貓兒筍(二)三月出衣黃肉白重一二觔至數觔不等

出(色)黃肉白味極甘一名萇(一)筍大與甜筍等生於高巖者名紅殼

菱筍(非)竹類葉如菅八月苞衣綠肉白多種於池邊水畔

瓜(多)種一名金瓜(色)黃白綠不一蔓生春種秋實大小不等一名絲瓜(即)天蘿其長者形如蛇一名苦瓜味苦性涼皆春種夏實一名

瓠(多)種有長尺餘者謂之芋瓠有方熟經霜可取為器

瓠(或)如葫蘆者其味俱甘至秋方熟經霜可取為器

永泰縣志 卷四 物產志 一十六

香蕈(總)名菌俗呼為菰皆綠木氣蒸而生香菰為上朱菰次之又有

脹

芋(本)草圖經蜀川生者形圓而大狀如蹲鴟謂之芋魁閩中產者形長而大小者如卵生於大魁之旁食之尤美

薯蕷(即)山藥又名雪薯重數觔

薑(老)者為母薑嫩者為子薑宜原溼沙地

葱(本)草名菜伯有二種一曰香葱一曰胡葱又有長生葱七月葱

韭(養)生訣錄性煖號草鐘乳許氏說文一種而久故謂之韭

薤(爾)雅薤鴻薤本草圖經似韭葉闊多白無實根似蒜

蒜(大)曰胡蒜無瓣者曰獨脚蒜又一種葉瘦硬者曰竹蒜

木耳(生)於朽木之上無枝葉有小毒一名木蛾六月多雨則溼熱餘氣發生



山蕨爾雅翼野人今歲焚山則來歲蕨菜繁生其葉未抽時搗其根可粉明黃裳詩皇天養民山有蕨蕨根有粉民爭掘朝掘暮掘  
山欲崩救死豈知筋力竭不勝朝苦陰諸君知不知朝夕思餐醴  
春婦濾呼兒炊飢腹雖充不勝朝苦陰諸君知不知朝夕思餐醴  
與肥賑飢無策未足怪胡剝我民膏脂爾苦五日一風十日雨  
為政和令致民多飢類生泚但願皇天憐爾苦五日一風十日雨  
雨順風調五穀登  
蕨根滿山長不苦

果之屬

荔支羣芳譜一名離枝為果品第一現隨在皆有惟味遜於楓亭來者

龍眼每枝二三顆作穗如葡萄荔支纔過龍眼即熟故謂之荔奴

香櫟似人手名佛指香櫟即佛手柑也一種色味如之而形似人手名佛指香櫟即佛手柑也一種色味如之而形似人手名佛指香櫟即佛手柑也

柑一名木奴形似石榴與橘同時熟而色黃宗炳柑頌煌煌嘉實磊如景星南金之色隋珠厥形

橄欖一名青果樹大枝高類如檀香者為上品澁小者味甘有一種味如檀香者為上品

永泰縣志 卷四 物產志 二十七

橘樹如柑而葉差小花白而香如蜜冬熟其品亦有數種

柚大於柑一名香柑有深紅者有瑪瑙紅者有淡白者有水晶白者廣種尤勝

桃有胭脂桃四月蜜桃苦桃山桃諸品又有早桃四月蜜桃苦桃山桃諸品

李多品有鵝黃胭脂麥李等種惟夫人李最佳又有猴李穎小而實纍纍

梨一名白蜜梨味甘皮薄一名烏蜜酥皮極麤一名崔梨穎甚小惟雪梨為上俗稱櫻包梨又一種青皮梨熟較早味遜

石榴潔白如雪者西陽雜俎甜者名天漿堪充果品酸者入藥又有番石榴味濁有紅白二種

橙樹似橘而葉大其形圓亦大於橘而香皮厚而皺大者似柚味酸

枇杷冬花春實大者如雞子小者如龍眼白者為上黃者次之謝瞻賦稟金秋之青條抱春陽之和氣粲寒葩於結霜成炎果於纖

露言其備四時之氣也



楊梅 色紅兼紫永產小而味酸不及浙產

棗 赤心有刺四月生小葉尖舡光澤五月開花白色微

梅子 杏類土人取其實製為白梅為烏梅入

楊桃 亦作羊桃臨海異物志楊桃其色青

葡萄 漢書名蒲桃有青紫

西瓜 實如斗大圓如瓠

金橘 實長曰金棗圓曰金橘又有

栗 外刺如蝟折

柿 有朱柿饅頭柿牛心

榧實 殼薄其仁可生啖一樹不下數百斛山人採以療飢

永泰縣志 卷四 物產志 二十八

黃彈子 實如山桂而香

甘蔗 山種者小而堅名曰荻蔗僅可

蓮子 實紅白二種俱有

甘蔗 俗呼芭蕉花倒開如菌苔每開一

無花果 不花而實狀如枇杷其內

落花生 花落於土而生也莢長寸餘食之甘芳今

木之屬

榕 一作楠嵇含草木狀榕葉如木麻其蔭十畝榕城隨筆閩中多生

別根疑是

松 有三鬣者有五鬣者深山窮谷中可合抱凌雲別一種羅



柏六書精蘊木皆屬陽而柏向陰指西蓋木之貞德者故字從白樊宗師園詔柏為蒼官其子香而可燕又一種與柏相類其葉皆側

向日側柏

檜爾雅柏葉松身性耐寒蘇轍詩狂風動地舞枝幹大雪翻空洗顏色

杉謂之野雉斑其材尤貴又有天杉心赤質軟土入以為甌者

樟木理多文章故謂之樟赤白二種俱可製器赤者煎之為樟腦製

今所存者百年

楓似白楊葉圓而歧有三脊霜後色丹故謂之丹楓取其脂可以為香

槐藝云類聚槐季春五日而兔目十日而鼠耳更旬而始規二

桂一名巖桂八月開花一

桐有赤桐青桐白桐其材宜琴瑟者白桐耳

永泰縣志 卷四 物產志 二十九

桑前清季年永邑曾興蠶業植有女桑

柘山中處處有之葉可養蠶材可為弓其小者曰奴

椿有二種香者曰椿實而無

柏子即烏柏也土人取其

冬青其葉長青四時不改許渾詩未秋紅實

黃蘗樹高數丈葉如吳茱萸亦如紫椿經冬不凋皮

楊柳種也別有黃楊起柳枝弱而垂流蓋一類二

檉葉細枝柔得雨則垂如絲又名西河柳俗

檉生溪澗側葉似檉而狹長樹大者連

椶櫚即之每皮高一丈無枝條葉大而圓萃於樹杪其下有皮重疊



未吐者可採充茹

梓詩一名相思木堅而有文可作几案棋局其子紅名爲紅豆唐王維

椒有刺子朶生味辛與蜀椒相似但不及蜀之香烈耳

楮又名穀其皮可以製紙

楠即柗高十餘丈大數圍其根年深向陽者結成山水草木之文

杜爾雅杜甘棠說文杜者曰棠杜者曰杜樊光曰赤者爲杜白者爲棠又有名杜鍾者葉如柏根可製紙

椴形如杉木多刺其質脆紋細亦杉木之別種

榛即薜又一種葉似薜花類山茶實如龍眼可榨油亦名油茶南鄉所產甚夥

荆理白中虛古人以爲刑杖

竹之屬

永泰縣志

卷四

物產志

貓兒竹方言謂之麻竹大者徑七寸紫山人用以造紙

江南竹與貓兒竹相似粗大而堅直笋冬生

慈竹即子母竹生不離本故以慈名

鳳尾竹莖葉森秀如鳳尾

紫竹小而紫色

花眉竹幹小而節疏

方竹外方內圓可爲杖秋末生筍產於方廣巖

斑竹鶴及湘所產皮色斑斕不細緻

石竹節疏而平亦可爲器

苦竹可製紙筍味極苦



筋竹 節密而質堅

黃竹 又解籜後節漸黃

錘竹 尾如錘根大

淡竹 皮薄粉

萇竹 大小不等一二三都綿亘

甜竹 節疏而笋味極甜

觀音竹 高僅尺餘蒼秀可愛只供盆玩

綠竹 冬全綠經不改

箭竹 可為箭幹

秋竹 甚小叢生溪澗旁浣雪堂詩不煩

永泰縣志 卷四 物產志

白竹 色如玉如

赤槻竹 用造紙

青竹 節疏而葉蠹直幹凌雲大與江南竹埒一名

水竹 植之溪畔可作籬落

藥之屬 附草

茯苓 有松樹處多有之本草多年樵斫之松根之氣味抑鬱未絕

之義也精氣不盛止為附結本根既赤味如薯蕷亦名禹餘糧土

枸杞 實為枸杞根名地骨皮本草入藥其形義凡杞未有刺者

但小則多刺

大則少刺耳 蔓 參即福參亦補品之一與諸



天門冬 春生藤蔓大如釵股高至丈餘葉如苜香極尖細而疎滑有逆刺根大如指長二三寸

艾 有二種葉大者入藥

荆芥 一名蘇假蘇

紫蘇 葉皆紫色味辛香夏採莖葉秋採實別有一種名雞蘇其葉紋理尤精緻色亦較紫味尤勝

香附 莎根也處處有之爾雅薑夫須是也

蒼耳子 即詩所謂卷耳也本草作藁耳又名羊負來

薄荷 葉尖冬不死味辛近世人家多詩之

蓖麻 葉大如瓠凡五尖夏秋間花穗纍纍黃色每枝結實數十顆上有刺如蠟毛而軟枯時劈開有子如豆殼有斑點狀如牛蠟再

去斑殼中有仁嬌白可壓油

使君子 其藤如葛繞樹而上葉青如栗潘州郭使君療小兒病多用之瓣有稜中有仁如榧味如栗

永泰縣志

卷四

物產志

車前子 即芡苳大葉長穗好生道旁一名馬烏一名蠟蝦衣一名當道

菴蔚 一名益母草毛詩謂菴蔚似在方莖白花花生節間花紅者品遜

何首烏 春生苗葉相對如山芋而光澤其莖蔓延竹木墻壁間根大如拳赤者雄白者雌本草原名交藤相傳有何姓者服之

首白復烏故名

麥門冬 葉如韭長尺餘四時不凋根生連珠形如獾麥顆亦名禹餘糧

牛膝 俗名山苧菜其莖有節似牛膝因名今所產頗少

淡竹葉 春生十鬚數寸細莖綠葉儼如細竹其根一窠數十鬚鬚上結子與麥門冬同但堅韌爾

決明子 有二種一種馬蹄決明一種草決明即青箱子今所產者祇此無馬蹄者

瞿麥 爾雅作蘧麥本草一名燕麥一

龍牙草 一名馬鞭草穗類鞭鞘花紫葉如狼牙春夏有苗葉至秋冬而枯



光明草 其穗亦似粟而無實

夏枯草 蓋稟純陽之氣也

青蒿 晏子蒿草之高者也爾雅諸蒿獨青異於諸蒿故耶

罌粟 一名麗春草一名米

木賊 生近水處每根一幹無花葉寸寸有節色青凌冬不凋俗呼為接骨草

白茅根 一名地管一名地筋

石斛 金釵股者佳能解毒

澤蘭 本草名虎蒲其根名地

鉤藤 葉細長其莖間有刺曲

忍冬藤 開似薜荔而青三四月開花一蒂兩花一大一小花初

永泰縣志 卷四 物產志

半夏 禮月令五月半夏

八角蓮 原名鬼白亦名獨脚蓮又呼旱蓮根似

射干 其葉叢生如鳥翅

括樓 即果羸二字音轉也毛詩果羸之實亦施于宇蓋木上曰果地

葶藶 蔓生葉似菝葜而大如盃其根硬大者如

山豆根 其蔓如大豆葉

威靈仙 初生作蔓莖如釵股其根每年旁引年深轉茂一

葛根 春生苗引藤蔓長一丈紫色葉頗似楸葉而小七月着花

磨為粉食



苦參 葉似槐花黃色子

莪菹 原名蓬莪俗

百合 根如蒜而大其名百

金櫻子 俗名山石榴而長核細實大如指頭

梔子 木高七八尺葉似蒲子

枳 子名枳實實之殼曰枳殼周禮橘逾淮而北為枳

薏苡 莖葉如黍花紅白不一作

菖蒲 有數種生水石積間葉有脊如劍者曰石菖蒲其無脊者名溪菖

蒲公英 莖葉花絮並如

永泰縣志

卷四

物產志

三十四

骨碎補 本名猴薑寄根於樹上似薑

香薰 生山野間其氣香其

天名精 實名鶴鱓根名杜

扁蓄 一名扁竹節間有粉多生道旁故方士呼為

穀精草 此草收穀後荒田中生之葉如嫩穀秧抽細莖高四

紫花地丁 其葉似柳而微細夏開紫花結角

青黛 即藍靛花土人種藍長成掘地作坑以

遠志 爾雅蔓繞棘苑郭璞注今遠志也似

貫衆 莖葉如鳳尾其根一本而衆枝

黃精 二月生苗高一二尺葉如小豆花結子白如黍粒亦有無子者根



如嫩生薑黃色八月採山中

地錦俗呼血見愁蔓延着地

烏藥樹如茶高五六尺至丈餘不等一

山茱萸葉如梅有刺二月開花如

萱(風土記)懷妊婦人可以忘憂者故又名忘憂

肺風草蔓生墻壁間

蘆有數種其長丈許中空皮薄色白者葭也蘆也葦也短小於葦而

也形皆如竹每節生葉如箬葉

蕉一名甘蕉即芭蕉一名美人蕉花紅白黃不等一名鳳尾蕉人家種之可以避火一名虎頭蕉山谷入藥品

石龍芻莖圓而小生水石間可

永泰縣志

卷四

物產志

三十五

鼠麴草生田園間葉形如鼠耳花黃如

虎耳草葉大如錢生石隙有細毛一莖

蘋有三種大者名蘋中者名苕其

藻水生底莖如蘇莖大如箸長四五尺

蓼(毛詩)以薺茶蓼傳在

蕒俗呼蓆草三稜

山蠟燭葉如蒲生

仙草土人搗汁煮

仙人掌葉相接

藤藟也金剛藤香藤降真藤王孫藤



斷腸草一名小春夏嫩苗俗呼梭葛蔓生葉如荖葉而

花之屬

梅花有綠萼鄧尉千

山茶二月初以單葉接千葉

蠟梅本非梅類因與梅同時而

海棠有紅白紫淡紅凡四種曰垂絲曰貼梗曰西府曰木瓜

餘醪一名雪梅春末開花古詩開到醪醪

木槿有白紫粉

葵花三種蜀葵似木槿而大八月下種十月移栽明年四月開花秋

向日葵花大而如碗其心必向日而移

永泰縣志

卷四

物產志

長春花淺紅四時常開

鳳仙一名金鳳宋李后小名鳳娘六宮避諱呼為好女兒花

雞冠各半者曰雞冠扇面雞冠五色而最矮者曰壽星雞冠

玉簪其形如簪潔白如玉清香襲人

千葉榴其色四月開至十月

碧桃即千葉桃紅白二種亦有一朵而紅白相間者

夾竹桃十名至秋深猶有之謂為夾竹桃者以其花似桃花紅似竹也

剪春羅一名剪秋紗者一名漢宮秋八月九月開花亦如刀剪狀

芍藥又號花相色則花小種不宜分種向陽處然

杜鵑一名躑躅一名石榴俗呼滿山紅因杜鵑啼



山丹 其花一帶百餘蕊如綉

薇 有種紫色之外有紅者又白色曰銀薇藍色曰翠薇

薔薇 立春時折當年枝條插肥地即活皮日休詩淺深

繡毬 一種花小葉繁後白別名雪團又

紫荊 叢生根旁生枝可分種或與棣

木蘭 木本種也一名玉蘭香味如蘭不知原是此花身木

木芙蓉 一名綺帳一名文官花一名木蓮花有單瓣雙瓣二種朝開

茉莉 王十朋作沒利名園記作抹厲洪景盧作末麗音同

佛桑 葉與佛離花紅耳

永泰縣志 卷四 物產志

瑞香 有名睡香張祠部詩曾向廬山睡裏聞香風占斷世間春竊花

菊 多種黃者有佛座蓮御袍黃黃綉毬黃蟹黃牡丹陶愛松針白者

桂花 凡二種惟深黃者花繁而香尤烈俗呼毬子木樨有

辛夷 樹高丈餘一說白者為辛夷紅者為木筆朱肇璜木筆詩裁紅

蘭 有山蘭建蘭玉枕蘭吊蘭珍珠蘭高州素永安素縹素報歲諸種

空書 世蕙並山蘭類也施氏永安素心蘭詩芳蘭生空谷娟潔無纖塵

壺閒雅如我秋水瀟願得長相親一洗胸襟陳 玉



唐棣一名朱梅俗呼郁李花如梅而色粉紅閒雅可愛

白玉蘭樹高一二丈花白如蘭香味太濃故品較遜

玫瑰形如薔薇花大類實相葉似長春而香勝

蝶桂花開時兩兩相比類蛺蝶翩翩隨風而舞

夜來香蔓生簇簇如毬每當清風明月夜其香馥馥如焚麝煤

月下香一名晚香玉黃莘田詩半分冰簟半瑤簪吹氣都教上枕函記得無燈無月夜滿身暗麝白秋衫

合歡一名夜合植之庭除令人不忍稀中散云合歡蠲忿萱草忘憂

萬歲菊有紅紫白三種別有番菊又名波斯菊氣味甚惡畏烈日

雁來紅俗呼為老少其葉至秋而紅周子羽詩翔雁南來塞草秋未霜紅葉已先愁綠珠宴罷歸金谷七尺珊瑚夜不收

羽之屬

永泰縣志

卷四

物產志

三十八

雉雄者有冠長尾身有文彩善鬥本名華蟲漢避呂后諱改名野雞其羽為翟又一種小於雉走而且鳴毛詩謂鷓即此

雞亦有黃白赤黑四種亦有骨肉俱黑者

竹雞俗呼泥滑滑以其鳴似之也亦名越鳥相傳白蟻聞其聲盡化為水

杜鵑怨鳥也夜啼達旦血流乃止凡始鳴皆北嚮啼苦則倒懸於樹說文蜀望帝化為杜鵑至今寄巢生子百鳥為哺其雛尚如君

臣又名子規閩人呼為撥芋

翡翠性善捕魚爾雅注鷁名翡翠雄赤曰翡雌青曰翠石林詩話江准間有水禽號魚虎翠羽紅首顏色可愛俗又稱魚狗坤雅翡翠

翠之一小者為魚虎一名魚師

鸚鵡坤雅鸚鵡五色尾有毛如船舵小於鸚性食短狐蓋溪中之勅邪逐害者

鵲禽經鵲俯鳴則陰仰鳴則晴人聞其聲則喜故名喜鵲淮南子乾鵲知風西京雜記乾鵲噪而行人至

鵠似鵠而南唐李煜呼為八哥能效人言



百舌蒼毛尖嘴形小於鵲亦名反舌春鳴夏止禮月令仲夏之月反舌無聲風土記祝鳴反舌也

布穀毛詩鳴鳩在桑即布穀也亦名戴勝禮記月令戴勝降於桑

啄木爾雅鴝斷木雌褐而雄斑喙如錐長數寸常啄木索蠹食之聲剝啄

畫眉白眉褐質好鬪喜鳴

烏鴉純黑而反哺者曰慈烏腹白而不反哺者曰鴉亦名鸞毛詩弁彼鸞斯傳鴉鳥也又一種似烏而小羣飛作鴉聲者曰寒鴉

鷹一名鵠鵠蒼黑色鷲鳥也禮月令孟秋鷹乃祭鳥也

鷓鴣似鷹尾稍短善擊鳧雁俊而大者俗謂之木鷓鴣羽毛粗重鼻根黃如蠟者俗稱蠟鼻

白頭翁似雀而大頭有白點

鵝本草性能啖蛇及蚓故養之能辟虫虺又云鵝夜鳴應更

鳴形瘦而善泅者曰水鴨似鵝而鼻紅者曰番鴨翅大高飛名野鴨禽經曰野鳧

永泰縣志

卷四

物產志

三十九

燕輟耕錄胸紫身小者為越燕身斑黑而聲大者為胡燕詩謂之玄鳥齊人謂之鳧

鴛鴦水鳥似鳧毛有文采雌雄未嘗相離人得其一則其一相思而死

鶯黑眉尖嘴脚深紅遍身黃色羽及尾有黑毛相間一名倉庚一名黃鸝一名黃栗留三四月間鳴其音百嘯

雁隨陽鳥也秋七月自北來栖止於蘆汀蓼瀨間千百成羣大者為鴻

鷓鴣一名越雉飛必南嚮雖東西迴翔而開翅之始必先南翥南人聞其鳴則思家鄭谷詩座中亦有江南客莫向春風唱鷓鴣

雀一名嘉賓言栖宿人家如賓也又有黃色者曰黃雀

鳩毛詩宛彼鳴鳩傳斑鳩也本草斑鳩又名斑鳩春分化為黃褐候秋分復為斑鳩又有一種差大而青色曰青鳩

鳶鳴則天將雨

鷗水鳥居人則沈一名鷗禽經鷗信鳥也張華注鷗水鳥如倉庚而小本草鷗者浮於水上如漚也

鷺鷥卑雅鷺色雪白頂有長翰毳然如絲欲取魚則弭之



鷓鴣 閩南人多蓄之以捕魚

山鷓 俗呼山鷓一名鷓鴣脚赤似

鷓鴣 俗名稻雞以稻熟時田中最

鷓鴣 禽經鷓鴣色青向風展翅迅搖

鷓鴣 頭小而銳氣雄而逸禽經鷓鴣不擊姪

水鳧 天將雨則浮於

鵲 一名雛渠飛則鳴行則搖尾喙

白隴 白質黑章紅頰尾長數尺爾雅注江東呼為

鵲 家養之能千里傳信

鵲 伯勞也陳思王惡鳥論伯勞以五月鳴應陰氣

永泰縣志 卷四 物產志 四十

鷓鴣 小鳥也一名巧婦

白練雀 周身白色

釣魚翁 如翡翠而小長

蠟嘴 其嘴黃色

毛之屬

虎 處深山中

豹 尾赤而有文黑為赤豹文圓者為金

熊 性輕捷而力大好攀援高木見人則顛倒投地而冬

鹿 性驚防分背而食則相呼羣居

牛 有二種黃牛角縮而短



土狐 鼻形如黃狗

狸 口銳身長其形似貓有香

麋 皮可為鳥

猴 毛詩謂獠俗呼胡

驢 鬣屬性善驚飲

狼 大如狗青色其鳴諸竅皆沸(埤雅)狼將遠

兔 禮曰明兔有三窟

猿 似猴長臂

貓 有文如豹者有黃似狸者又

犬 黃者曰犬黑者曰狗皆以守

永泰縣志 卷四 物產志

豬 爾雅曰豕或謂

羊 一歲兩乳惟黑羊最佳(王世懋)閩都疏黑

獺 似狐而小青黑色

野豬 亦名山猪形似猪但腹小

豪豬 毛黑如錐鬃有刺怒則

山犬 狀類家犬亦呼豺犬赤蒼

山羊 輕捷趨健能

竹鼯 (王彪之)閩中賦竹則桃枝育蟲(注云)育蟲竹鼯也(贊寧)雜

鼠狼 在山野中似

鼠 其類甚多有松鼠栗鼠鬚鼠其在墻屋中者但呼為鼠



鱗之屬

鯉（埤雅）一名鱣（無論大小皆三十六鱗）當脇一行自首

鱸（金鱸）細身有黑文肉白可為膾（隋煬帝謂）

鱖（巨口細鱗）背

鯽（一名鮒）腹大而脊隆（色黑）

鰻（似鱈）而腹大色有黃鱗（本草）

鱧（似蛇）無鱗有黃白二

鱖（有田中）大如指（春夏最多）一作泥鱖

鱖（狀一方）而身扁小頭縮項味極甘（美色青）

蘆鰻（形似鰻）而頭有兩耳背有黑斑（大者）

永泰縣志

卷四

物產志

鮒（味永）占諸魚之上（惟湯溪口有之）脂肪

鱧（形長體圓）頭尾相等（細鱗）玄邑有斑

青魚（也青）亦作鯖（以色名）

勒魚（狀如鱈）魚小首細鱗腹

魴（頭縮色青）尾赤

白刀魚（骨鱗白）如多刀

雪魚（頗類鮒）味甘美性喜嚼雪

鮪魚（無鱗）頭類呼為蛇魚

月鯤魚（如小）不盈掬尾有紋

鮒魚（似胡）瀨下（一小）送秋魚香產



黃甲 又呼黃鱧魚 又一種形同而腹白善

黃尾魚 似鯉而尾微黃食之

草魚 鱧魚 二種皆畜於池其種購自

抱石 閩中海錯疏云出山溪背偃

介之屬

龜 有兩種生於陸者身小而首尾小謂之八卦龜

鼈 類爾雅翼鼈之大者闊或至二丈崔豹古今注鼈一

蟹 廣雅注團臍者牝尖者牡爾雅翼八跪而二

螺 有三種曰池螺塘中殼薄味美曰田螺生水田

永泰縣志

卷四

物產志

四十三

鮫鯉 四足銳利為鱗甲堅厚常伸舌

蝦 生溪澗者肉薄而味鮮 生池塘者肉厚味尤美

蟲之屬

蠶 清季曾興蠶業近因

蛇 種類不一境中

蜂 多種有黃腰蜂虎頭蜂土蜂各種惟蜜蜂小而微黃相交則黃退

蠟 生於蜜蠟

蟋蟀 埤雅蟋蟀似蝗而小善跳其鳴在股

蝙蝠 一名伏翼又名山鼠喜居古樹中并巖穴間方廣

蝨斯 長角脩股善跳躍有青黑斑數色一母百



蝟 蟬屬詩幽風五月鳴蝟禮月令仲夏

蜻蛉 六足四翼色青赤綠不一本草會編蜻

蜘蛛 捕一名蠨蛸廣志有在器下者有緣壁

蜥蜴 似蛇在屋曰守宮捕蝮曰蝎虎其實一物也

蠅 爾雅蠅醜扇酉陽雜俎蠅聲在翼其頭赤者名景迹性喜

蝸牛 出觸警則首縮入殼中往往升高吐涎沫枯盡則自死蘇東坡

詩 蝸涎不滿殼聊足以自濡

蛙 本草蛙似蝦蟆背青綠一色尖嘴細腹長股善躍一名田雞一名水

石鱗 俗呼癩蝦蟆有背上一疣磊不能跳躍亦不能

鳴 遠謂之蟾蜍又有背上一疣磊不能跳躍亦不能

永泰縣志 卷四 物產志 四十四

蛺蝶 多種化為生虫也大者五色斑斕名爲鳳車又曰春詢小者粉翅

蛾 亦蝶之別種也

螢 腐草及爛竹根所化腹下有光一名夜光

螳螂 正義螳螂深秋乳子至夏初乃生仲夏之月螳螂生

蚯蚓 一名蟧一名地龍子天寒入穴透迤而下陽動則首向上行

蜈蚣 爾雅蜈蚣也俗名百足蟲能制蛇

蚱蜢 其色青首方者其色斑



論曰余觀管子輕重太史公貨殖諸書恍然於種植畜牧爲有國者之要圖及讀子輿氏之談王道推始於五畝之桑百畝之田乃至雞豚狗彘材木魚鼈麋織麀巨津津道之益信平治天下之第一義舍是末由也况稽古帝堯棄爲后稷司稼穡樹藝之事益爲虞官典鳥獸草木之職迄乎有夏菁茅橘柚之微羽毛齒革之產咸列厥貢姬周之興尤三致意條桑納稼紀其候烹葵剝棗志其宜于貉獻豸序其事流火一章釐然可攷而周禮司徒之官於山林川澤邱陵墳衍原隰之數悉詳書於冊飛潛動植可薦可羞毛舉焉縷陳焉降及春秋而虞衡舟鮫諸司猶見於列國以是知三代秦漢之時皆以物產爲厚生之要編之令甲掌以有司作爲論

說垂諸來許者意之深且遠也川原膾膾百物盱盱人取其精以食以居我國迷信素深勝門吉語每大書特書曰物阜民安其故可思已且夫物產豐嗇亦何常之有三都兩京之所豔述一再過而爲墟有舍獸蹄鳥跡外別無長物者矣揚州之賦上下今則賦滄縱橫桑麻翳蒼魚鹽蜃蛤甲於全土有神京貢賦悉仰南方者矣永邑叢山複嶺曠土居多草木滋生牛羊腓字蕃蕪咸若不一而足布帛菽粟而外利日用充緩急不必象犀珠玉始足誇耀鄰封也而鄰境所饒永未始不饒之永卽或不饒之未必不可以此之饒易彼而饒之西諺云物產猶水源也商販貿易猶江河支派也欲裕其源必培其源欲培其源先識其源務本之君子或有鑒



於是歟

永泰縣志

卷四

物產志

四十六

